

# PROKLAMASIE

*Bie de gracie van de Kwakkert en de waalwillendjheid van Vorst Bart I en ziene alwieze Raod van Elf, 54ste Prins van dees Kwakkertepool,*

## **Saluut.**

*Wae proklamere, det de regering is äövergenaome van Prins Teun I, en det wae as liefspräök zulle veure:*

## **FIEËSTE MÈT OF ZÓNGER JÓNK GEWELD, PLEZEER HÖBBE DET TÈLTJ**

**Wae, Martijn I,**

**Kómmandeur;** in de orde van paprika- en computersjips

**Offeseer;** in de orde van zwarte bóks en oranje trui

**Graaf;** van de Wingerd, de Busjop en de Koukerbaek

**Landjhieër;** vanaaf de Beesstraot de Wingerdbrök äöver, linksaaf langs de baek toet aan de watermäöle, den tösse de Busjop en 't Vèn door nao Gieëne Driek, van dao-oet op de bögelbaan van Marie aan, de riekswaeg äöver en bie de Kwakkertepool rechsaaf, efkes nao de zaal, den trök naeve zaal Swinkels weer op heivers aan

**Besjermhieër;** van mam, pap, Rob en 'n bietje van Kelly

**Groeëtvorst;** van Jónk Geweldj en de Harmenie

Wae proklamere wiejer;

1. det nao 15 jaor Sjang nemes bang hooftj te zeen det de volgendje wäörd neet mieër in de proklamasie kome: paor, knoepselderie, maoremoos, kappesmoos, mooshaof, krotteblaad, herst, sjónk, hieëse, gèskook en emes besnuffele
2. det 't neet mekkelik zal zeen óm nao nege jaor, de väärzitter van de Kwakkert op te volge, ómdet dae hieël good werk haet geleverdj, en det wae haope det de nuje väärzitter, ouch al is d'r volges 'mzelf gepromoveerdj van secretaris-generaal tot president, zich geine boeënestaak op de kop sjerp luuetj make
3. det Heitse 'n nuuj orkest haet, "Wie lieëger wie baeter", en det huuegdje niks mèt kwaliteit te make haet, mer det bie häör de kop d'r waal nog neet aaf is, en det d'r dao biezeen die lever de boek riskere as det ze de pap laote staon
4. det de organisatie van 't LKZH 't lèste jaor haet gewèrktj det de sjöp roeëd sting, det wae noe ouch gein nate veut mieër kriege op 't evenementeterein, en det de handjbalclub dao sjoeën de vogel mèt aaf haet
5. det wae de Beesstraot baeter Prinsestraot kinne neume: Jan II, Peter II, Teun I en noe ichzelf, en det ich mich daodoor duchtig gepaerskäteldj veul
6. det de sjoeënvaegaktie op de jaormertj gein arrestasies haet opgeleverdj, óndanks 't gegaeve det vääöl minse daodoor nog neet mieër kóste lieje, det häör 'n vlieg taege 't gaat vloog
7. det Vreigelieërs mesjien 'nne baetere naam vääör de gemeindje Luudeal waas gewaestj, en die woeëne midde in 't Luudeal ouch nòg
8. det van 't aod gemeindjehoes 'nne nuje zaal make mesjien baeterkoup zoj zeen as deze noe al te verbouwe, det de jeugd den neet mieër in 'n dónker gaat hooftj te kroepe en des se den ouch minder bekieks höbs as se nao 't huuske mós
9. det mèt de motortocht van KVV ouch 'n delegatie van de Raod mèt is geraeje vääör 'n stökske promotie, en det dae man dae achterop zoot ónger det aafdaak, nörges bang vääör hoofdje te zeen, ómdet d'r altied 'nne dokter in de buurt waas
10. det de machtsäöverdracht deze vastelaovendj weer thoes is
11. det wae 't hiebie zulle laote

Gegaeve, wie Bart beldje, en ich nog duchtig aan 't mertele waas met de knakworste van de vääörige nacht.

**PRINS MARTIJN I**

